



Rangaiyem Visa ta kor dugin engamwe bina anani buogarõ

Gõrr ebwõkid yeb, Chimine visa na Aotereria na gona ouja buog dugin bina engamwe anani buogarõ.

Tune Visa (onangun 866) gadabweiy mwe ouja engame bina Reit meg yan egaturae mwe baka gadabweiyerõ na eben bwiõra num gona megura kor Aotereria. Ya dugin engame bina teng kor temek Aotereria dugin emagurr.

Wõ yogona meituwa tune Rangaiyem Visa tsinjha wõ meg atonin Aotereria. Wõ num kor egada Aotereria epowa num og kor angan wam visa mwe mo egam turun edogorr.

Ouwak imin gwein mamõ bugaiyen am meituwa tune Rangaiyem Visa bwe num gona aparr daen num kri og. Ebwõkin min meitu chimidu kamarareiy ura ngage nungi 8 edae wipiyayae obweni wawen. Jhan une wipin totoiyen mwane Rangaiyem Visas yae ambina needeiy mwe iyabid gona iyae ambina engame teng meituwa dugin aurõ teng magurr or arogko khien megura Aotereria.

Wea needeiy meituwa tune Rangaiyem Visa tsinjha weõ tengeiy an buõg Aotereria. Ma kurri akeo wõra bina iya arowanga Rangaiyem visa ekeõweõ.

Tsinjah wõ reit kamarareiy am meituwa tune Rangaiyem visa (onangun 866), tengeiyu kor num ani buog ko pumwan mwe mo atsin turin min ranga engamwe tengeiy buog mwe min magur iyat edogorr mo Jhan engum or etung wa meitu atsin iyan.

- Wipin mamoiyen visa
- Protection ta kor dugin bina egamwe tengeiy buog
- Buog mo mwe Eko pumwan
- Imin num riring
- Edogorrin weta
- Ananiyan angan mo
- Rangaw kor bina iya mo aurõ mamõ imin
- Tsijah iya emianaw Rangaiyem Visa
- Tsinjah wõ meg Aotereria mwe eitsiok og angan wam visa
- Mamoiyen visa ibunin
- Buog dugin visa Magen daen
- Buogun mamõ wam visa

Wipin mamoiyen visa

Iyan tune tsimidu kiwud turun edogorr, ebwokin min meitu tsimidu iyan Rangaiyem Visa (onangun 866) mamoyin nungi 8 iyobweni wipiayaea edae mwana amo.

Tsinjah wea tengeiy Rangaiyem Visa, or tsinjah wea arowanga Rangaiyem visa kamarar, wipin kor iyab mamo.

Nan chimine ibunin visa gouwae am magurr or gae. Ananiyen visa mwana gowaw kor, Anani am teng.

Protection ta kor dugin bina egamwe tengeiy buog

Protection visa dugin bina egamwe (or Amin bwiōra) bina arowanga egaturae mwe baka gadabweiyerō jha redowa bwiōra or gonaiyen iyan mwane:

- Angam
- dondak
- rigum
- etung epepo jion awe min iyan
- edogorr kamarar.

Tsijah wō num meituwa tune Rangaiyem visa, tengeiyu wō num Meg Aotereria mwe og angan wam visa mwe edogorr emwianaw aga wō meituwa iyeb.

Weò meituwa Rangaiyem visa dugin am teng arogko am temek Aotereria bwe wō gona am magurr.

Ebwokin kor Rangaiyem Visa meituwa akeo ebwokin. Ebwokae 85% min meitu akeo ura, bwe iya korowungae imin tengeiy ta visa. Min meitu ibunin iyan yeb inon nan egadaea 100% yogona amatu ura.

Tsijah Rangaiyem visa wō amatu iya mamo mwe weō bwabatsi visa iya emwieiy, nan tenegeiyu wō num erewi Aotereria. Tsinjah iya emwieiy wam visa, nan gona bet agkirowanu atsin Aotereria.

Rangaiyem visa wō amatu mwe iya mo, nan temek iyan angan dugin edae nan re janobwam. Gona bet ouwakeiy am magurr mwe Amin bwim tsinjah mwa num nanga Aotereria ino jhamwan mwe gona bet meituiyen wam visa jhamwan iyan yeb ibunin, ta peōn ta visa awe teng meituwa.

Tsijha wō meituwa Rangaiyem visa na Aotereria iyan eben bwim nan awe bina engamwe tengeiy rangaiyerō.

Tsijah wō meituwa Rangaiyem Visa, awe amata kor aga eikwon or aro emwi:

- Wō yogona redowa eben bwim mwe tuk arowanga imin meta baka na.
- Tsimine amin bwim jion bina baka eirurō iya amo megum.

Tsijah wō gonan kor meituwa mwe mo megum jhan iyeb ibunin (iya iyan eben bwim), naw wō iya meituwa bita Rangaiyem visa.

Naw ta meituwa Rangaiyem visa tsinjah awe engame bina tengeiy kor buog.

Retsineiy jhu angan Aotereria Rangaiyem emwi.

Buog mo mwe Eko pumwan

Tsinjah wō reit kamarareiy am meituwa tune Rangaiyem visa (onangun 866), tengeiyu kor num ani **buog ko pumwan** mwe mo atsin turin min ranga engamwe tengeiy buog mwe min magur iyat edogorr mwe regatta.

Ambina min buogu mo na engum or etung

Engum or etung	Egūm	Website
Australian Capital Territory	Legal Aid ACT	www.legalaidact.org.au
New South Wales	Refugee Advice and Casework Service	www.racs.org.au
Northern Territory	Refugee Legal	www.refugeelegal.org.au
Queensland	Refugee and Immigration Legal Service	www.rails.org.au
South Australia	Legal Service Commission of SA	www.lsc.sa.gov.au
Tasmania	Tasmanian Refugee Legal Service	www.trls.org.au
Victoria	Refugee Legal	www.refugeelegal.org.au
Western Australia	Circle Green Community Legal	www.circlegreen.org.au

Bine gona buogu:

- anani angan tsinjha iguanaw tune Rangaiyem visa or anani jhu visa moi yaw
- meituwaw an nuwaw meituaiyen
- meituwaw am meituwa tune Rangaiyem visa jha iya amatu
- og mak mwe pwan tune Rangaiyem visa tsinjah tengeiy.

Wō gona bet gona buog eko pumwon or etung mo na egum or etung.

Imin num riring

Tsijah wō amatu tune wam Rangaiyem visa, awe num aya kor riringen num og mak agam emwi mwe menae men aga bet engame mamoiyaw mwe amatuaw.

Wō num iya ouja engame num amatu iyan tune Rangaiyem visa tsinjah iya Meituwaw mana imin reit pwan na jhan.

Engame meg Aotereria tsimine aōra gona num buogun iya apweōn edorr iya emwi mwe dirikae iyae ambina num meituwa tune Rangaiyem visa. Bitā bet apweōn imin pwapwanae ura imin nan metaiya ura tsinjah eberr mwe dirigae ana mwinen ura anio turun engamwe jion ngea iya regitta iyat edogorr an magurr.

Nan tsimine imin meta iyae tsinjah wō amatu angam Berr or iya eiduwōn iyan tune Rangaiyem visa, gona nan awe pumwe mwak ouwak, meitu iyat karabutsi 10 iyobweni or gona urr aromen. Gona bet eijiaeaw mwe Amin bwim num tuk redowa Aotereria, aga bet wō num ta nanga, kereri or visan emagurr ana iya rogko korr PALM Scheme visa.

Tsinjah tsmine engamwe num meituwa tune Rangaiyem visa mwe pwanaw wō num supporteiy ura, awe gona buog ura tsinjah wō tsid kor aga bita engamwe tengeiy buog bwe nan arowanga imin iya mo na eben bwin tsinjah redō. Pwana ura num anani buog mo mwe eko pumwan atsin turun bina wōra engamwe Gwein ngaan iyan ane imin.

Edogorin weta

Tsinjah wō meituwa Rangaiyem visa, wam dabook gona akeō tsinjah wō weta iyae bita iyeb awe anani an buog Aotereria turun, aga bet Amin bwim Meg na.

Tsinjah emwieiy oujaw wam Rangaiyem visa, naw iyabid gona tuk wetaea iyeb wō matten teng nanga aga bet Amin bwim bina na me weō pwana edogorin Aotereria.

Ananiyan angan mo

Angan etamwan am meituwa tune Rangaiyem visa nan ta korr atsin turun min magurr iyan weta iyat etung ekae bina Aotereria. Naw tengeiy wò num anani an buog edogorr atsin engamwe emenañamwe.

Engamwe emenañamwe Eiy engamwe iya regitta iyat edogorr or legal practitioner mwe:

- min iya egam mwe pumwew
- amin bwim turun
- min iyat edogorr
- min iyat kadabweiyen engamwe etung
- min iyat etungin doerraiyet imin
- min iyat gadabweiyed etungata.

Engamwe ngea iya regitta iyat awetò or min Aotereria goda num iya pwanaw wò num pumwe dugin aurò buogu. Iya mo tsinjah bita engamwe min abu eroi num pumwe muk.

Awe gona aya tsinjah bita engamwe Eiy min magurr iyan awetaean engamwe tsijah wò aya online iyan wan [Iyobid min aweta engamwe Registration Authority \(Office of the Migration Agents Registration Authority - OMARA\) website](#), or anani jhu angan iyan [Australia legal practitioner](#).

Retsineiy jhu [angan jhen engamwe gona buogu](#) na Aotereria.

Anani an [nuwaw num ijij min aweta engamwe regitta](#).

Wò num iya ouja engame num amatu iyan tune Rangaiyem visa tsinjah iya Meituwaw mama imin reit pwan na jhan mwe khen edorr pwan jhan. Tengeiy wò num kokon memak imin jhan wan dabook emwi, aga bet engamwe jion mamoiyaw.

Rangaw kor bina iya mo aurò mamō imin

Edogorreiy engamwe num pumwe num chid angan wetō iyae aga Min awetō engamwe regitta or Australia legal practitioner. Ko woun imin pwanaw tsinjah iya regitta bita engamwe or Australian lawjiya, wò a keo woun am korowòrin awe gona dugin megum Aotereria.

Iya an edogorr min magurr daiyetten pwapwan aga ura buogun mamō amwana iyat online egad epo engamwem doerr. Tsimine daen aōra pwana min meitu mwana edorr iya iduwan or ekae dugin tune Rangaiyem visa, mwe ibunin bet num pumweiyen urō muk ouwak.

Tsinjah engamwe jion Dirigaiyu oujaw ebuog, wò gona pwana kama iyan [Border Watch Online Report](#). Weō needeiy ouja kama egam.

Tsijah iya emianaw Rangaiyem Visa

Tsijah wam Rangaiyem visa dabook iya meitu:

- nan tengeiyu wò num erewi Aotereria tsinjah iya og angan wam visa
- awe mwe Amin bwim gona eijian ami egada Aotereria ino jamwan
- bina an iya emiana am temek nan temek jungin angam iyae dogi
- gona aturai wam dabook bwein visa atonin Aotereria no jamwòn, ta peòn bita wam visa awe meituwa.

Tsinjah wō meg Aotereria mwe eitsiok og angan wam visa

Edogòrr na Aotereria nan karabujaiyu mwe akirowan Rangaiyem visa iya accepteiy awe amatu, mwe kewen jhu am gona num tamek Aotereria. Mwane buog emagurr num tougkai iyat eiduwan iyan wan edogorr Aotereria.

Tsinjah raketaiyuwen mwe akiranuwen atsin Aotereria iruwin an iya accepteiy wam Rangaiyem visa, nan tengeiyu wō num pumwe pumwan akiranem. Tune gona thousand emwae muk.

Mamoiyen visa ibunin

Nan chimine ibunin visa gouwae am magurr or gae.

Ananiyen visa mwana gowaw kor, [Anani am teng](#).

Buog dugin visa Magen daen

Tsinjah wō num anani angan wam visa tsinjah Magen daen or num Magen daen, amatu angam iyat [Visa Entitlement Verification Online \(VEVO\)](#).

Status Resolution Service (SRS) gona buogu tsinjah wō tengeiy buog bweinin edogorr. SRS min magurr gona:

- pwanaw keijeijiae or min tagek bita aturai an mwemuri wam imin
- amata angan garò dugin mednan edogorr mwe waw ish
- mamoiyen epoda visa iyaie engamwe gona bina reit edogorre ura.

Anani jhu angan iyat [Status Resolution Service](#).

Buogun mammo wam visa

Tengeiyu kor wō num [anani buog ko pumwan](#) mwe mo atsin turin engamwe ngaan iyan mwe min magurr iyat edogorr num aya tsinjah moi yaw Rangaiyem visa.